

丹
魁
堂
詩
集

丹魁堂詩集卷六

江陰季芝昌仙九

古今體詩九十六首

讀梅伯言同年曾亮所爲先祖光祿公墓表

華言無當簡而崇體要如君乃肖衷孫老難乾范喬淚
世衰誰溯彥方功文章有道歸於雅聞見當年記尙童
我愧子瞻遲述祖病餘草狀乞南豐去秋始敘行狀請文

同人養餘精舍賞牡丹

春陰已多時荏苒過穀雨手植幾牡丹僂指三年所今
年花怒生含苞一齊吐紫袍佩金印佳種此首舉輕紅

凸粉樓潔白禪瓊羽隔窗芍藥叢蓓蕾小於黍一般培
壅勤枝葉但楚楚姚王笑嫣然彼相莫余輔以茲護花
心專寄洛陽譜且拌倒一樽佞花花不語

卽事借伯田韻

病後經春廢嘯歌飯餘捫腹意如何名花應接渾無暇
莫道園林是蠟窟

山近不游空蠟屐花開雖暫卻傾樽孫吳兵法陶猗術
一醉何堪與細論

燕巢行

燕燕爾何知雙羽來差池一巢脫乳乍飛去一巢又見

銜泥爲丈人之屋正如幕我亦猶之處堂雀爾今不畏
棟梁危令我安心傍城郭不然空庭生草萊主人一去
何時回綠窗繡戶日高矣歲華深鎖誰爲開人心不如
蟲鳥智風雨漂搖解相避握手錢出卜問行藏何若棲枝
能擇地君不見櫛星門前靈鵠巢往年左右矜其遭今
年就中貪棗餚滿城豔煞披藍袍

荷葉

小院渾如畫井方攢盆編竹水中央依時盡想紅雲豔
繞步先知翠葉香莫待雨來方作蓋最憐莖弱不勝梁
東西底處游魚戲五老峯前十畝塘

萱花

問名多說可忘憂爭柰開當五月秋青弋江邊新浪逆
鐵鑪山下大星流時艱豐稔爲先策民力東南僅數州
膏雨不來心百結對花翻覺動生愁

憂旱

天公曾不解調停一例炎輸兩月經龍氣噓雲徒有說
鳩聲古雨竟無靈屯膏井斷初晨露釀暑先繁昨夜星
祇盼江潮能濟厄澤農猶可乞滄溟

欲上靈臺日相風烏頭不轉自南東分來豈有宮亭術
借爾誰成赤壁功殿閣生涼思舊迹絲絃解悵仗羣工

何時慰滿三農望收入詩心似魏公

半緣鋒鏑半飢驅不是尋常鄭俠圖白鵠參禪無恐怖
金陵難民牧養城外塔寺紅羊換劫且驩虞天心移粟終相報人事

同舟必共呼老病殘生何處著徘徊端的戀粉榆

曲港橫塘早絕流故鄉書問一時休林泉自占庸爲福
草木無知也解愁身外同羣幾鷗鳥夢中殺賊萬貔貅
東南地窄人稠密許爲蒼生請命不

問雷

春雷始出地啟蟄卽發聲胡當盛夏際喑啞不一鳴懶
龍深潛在洞府屏翳遁藏無處所療官戶職徧諸曹此

會須煩震天鼓我聞霹靂司折衝列缺輔導風雲從若
非軒轅自主宰下土何以驚羣聾昨夜一聲聞虺虺不
勝層霄如入水阿香酣睡未曾醒那落英雄手中匕

壽子方同年七十

堯夫不赴生日會春秋安樂排行窩先生亦不與壽讌
風格與俗恆殊科今年年華政七十斧韙鞠躬稱觴多
先生預戒勿張設客欲勸侑將撝呵不持一錢給謁者
酒樽未把慙顏酡我爲先生歎且歌先生許我斟紅螺
平生結念託霄漢天風琅琅鐸玉珂仙人儔輩不易覓
俯視塵世同委佗研經箋韻乃餘事康成叔重胸包羅

嶧山四十心不動學道雖晚猶相磋遠書昨日來江沱
願迎秋駕醉巖阿郎君門外自行馬白雲仍駐山峩峩
含飴至樂尙忍別始信碩人真軸邁昔陪冷宦此萍聚
出門常我茅衡過相知不厚在諛飾曷敢一字循曰窠
譬如鳳翔已千仞雀鸚頌美知云何眼前幸人得四老
且共風月閒婆娑十年瞬息壽八袞細君鬢髮方雙蟠
題王蓉洲秦平陽斤卷子

闢石和鈞典則貽當時柏翳佐成規末孫墮盡前王法
安用斤斤寸鐵爲
祖龍虐僕等風馳隻手權衡一李斯獨有鑄成斤百廿

東游狙擊博浪椎

病中無聊戲成六詠

擡椅

泉明昇籃輿乘興出栗里方春自行樂柳嫩花如綺我今被風淫四肢半無俚如夔跼踔行跛而不能履傷禽不忘飛未曙仍先起書齋虛且明去纔卅弓耳呼僮將坐遷前後從孫子我曾不出門家衡室則邇又無門生來左右供臂使高風懷昔人籃輿豈如此

拄杖

一枝天台藤贈自城西叟伯由晚號城西蒙叟方竹瘦而輕呼作

猶龍友薄物匪交易念老兩心厚去臘十三日我病若僵柳數行報故人喜能舉右手歲除聞君疾云在祀竈後相去祇一旬二豎亦爲耦昨日江上書知君霍然久我猶倚老藤蹇步蹣跚難走君其猶龍乎北斗勸觴酒

風帽

二月春複寒翦刀風惻惻病客畏風侵出戶裏頭亟昔入東華門夜半天如墨西風撲面來引袖將口塞門洞窄復深轟磕負大力欲前足趑趄噤寒行不得強進若登山否則曠其職如今亦優閒可柰病相逼遮項及兩肩舊紅未黝黑輪他披嶺雲絮帽山路側

火鑪

平生恥趨炎天寒嫌向火北地雖苦寒薄冷猶枯坐夜衾謝湯婆周旋徒潤我水火兩無情避熱歸一可近來運掉乖手足病在左足寒本傷心矧乃更偏跛熏熏覺微溫如船輕捩柁撥芋固無緣踏甕常恐墮不畫鑪中灰冬烘儘安妥莫任杜回顚笑倒晉魏顆

藥餌

吳君勇我同庚我長僅一日寓居共虞山時時蘇我疾藥鑪日一舉勞人幾能逸不如羅眾味鍊出膠如漆盛之瓦瓶中甘飲勝飴蜜自嗟精消亡小體復奚恤春融

萬物煦輕健當可必但留支離身飲食抱空質縱齊大
年樗終負仙井橘忽念醫國者方待扁倉術

虎子

仕進不知止侍中執虎子古人用相嘲官儀良可恥豈
知勇退人隨身不離爾我老腎氣衰頃刻瀉如水平居
戒飲茶六時尚十起劇憐寒疾辰強忍難寸晷藜器置
坐隅旦暮少休矣每驚禪中蟲擾擾思避徙嗚呼廉將
軍善飯三遺矢安能客魏齊醉溺范睢死

春陰雜感

冬旱既太甚入春釀濃陰小雨動三日不成傳說霖徒

然空階上點滴不絕音天公雖博愛豈知病客心此心
百無願願埽浮雲侵

今雨曾無人舊雨亦睽隔老年筋力衰泥滑況黏屐勤
勤喚肩輿杖頭錢可惜獨有龐德公超然屏物役居則
擁衾臥出卽造我宅君看庭中苔誰來印行迹

河豚死一死坡翁傳快語今者不欲食孤負江水煮江
魚江水陰語也牛酒死子美詩老遠如許我非能樂生發風
恐由汝東風上水時庖香勝肥羚染指忍老鑿蘆芽摘

春渚

蠟梅已落盡几上排着蘭舊叢出新穎密密盆中攢一

經晴日熏芬馥如可餐雨窗坐相對含情耐春寒客來
遠室有覲面不稍看但誇曼陀羅滿樹錦作團吁嗟空
谷人賞音良獨難

述感

燒鉛猶在藥鑪前安得輕身廁列仙夜夢虛拋三度月
風災難免四禪天懸車未居先辭祿擐甲無能合讓賢
祇惜五年琴水漲不會一泛七條絃

先皇卅載勵憂勤

底錄昭垂卽典墳昨歲尊藏成信史羣寮編纂策微勳
朝廷明目歸公道臣子攀髯慟昔聞回首親依樞禁日

衰殘百感淚紛紜

肚皮那肯合時宜烏石山邊兩鬢絲欲使封疆尊漢節
敢方樽俎卻萊夷經冬蒼翠依榕樹過夏鮮新飽荔枝
慚愧

九重資整頓至今未有答恩期

自笑平生入世迂立朝心共片雲孤韓宣人信能辭玉
唐介天知不買珠當路公卿竿牘少歸田賓客竹絲無
殘年雖病庸非幸已過歐陽與大蘇

蒲城相業繼韓城尸諫當時隱大名要奠金甌先禦侮
卽提玉尺亦持平三番奏賦懸明鏡一夕留賓酌巨觥

如此文章知己感可憐籍不隸門生

去年蝗旱饉饑臻聞道緇泥可食貧虎旅身家須飽粟
魚蠻租稅恐編輪閒居抵掌誠無術獨坐怡心賴是春
窗外幾叢花舊種不須十戶賦中人

清明時節戀松楸興疾難登百里舟誓墓何心辭剗水
還山無地築菟裘身親拜埽愁將闕足到槃珊笑未休
君阜東頭峯席帽終當歸侍九京游

石階五級聳三門漫說祠堂制度尊薄宦陶潛荒徑易
故鄉庾信小園存頻年觀望緣烽燧長日經營付子孫
莫怪清貧無厚殖眼前絲粟盡

君恩

老樹

老樹春深放葉時下枝先發上枝遲靜觀默會榮衰理
不是耄年人不知

薔薇

東面牆陰埋碎瓦西邊臺上染新泥插花一樣勤澆灌
到得花時不等齊

觀荷

家居必種荷看花恆苦少既無池沼寬但覺盆盎小年
來合作方塘形同根殊器排廣庭紅妝素面孰相避蟬

娟流媚兼尹邢闌干倚遍俯花葉直似畫舫浮煙汀病
夫侵曉強出戶僮僕怪我尋晨星不知結跏對花坐須
臾便染衣衫馨惜哉一病百事廢難共花下傾仙醞金
鼈玉蝶付夢想跋鼈豈復龍門經五老峯前近咫尺無
緣闖入雲錦屏此花頗與世情異肯慰衰老嗟伶仃我
笑謂花莫解語一語恐減花娉婷

消暑雜詠

書家運腕有神工左臂須令右臂通笑我半人如鑿齒
懶拈豪翰學楊風

晉帖唐臨贗本叢鉤摹況復出匆匆細參波撇求神似

畢竟停雲勝戲鴻

奇妒無端謂絕梯後人應笑古人迷年年歲歲花相似
芳鬢空梁落燕泥

鶴聲一一尙遺留豪奪原來遜巧偷解識脫胎能換骨
古香都向筆端收

平生六法未精研妙畫看來隔霧煙但得置身邱壑裏
幼興自擬已如仙

未見書多借一瓻居然暴富似貧兒柳州集在瓊儋日
始是精思熟讀時

不經不史不文章九百虞初遺畫長強半宋人風趣在

會心減穀便忘羊

少年瓜戰賭輸贏爭向街頭買翠碧秋暑鎮心猶畏冷
那堪冰齒非中擊

桂陰方竹已過牆秀色盈窗若有香雪月雨風渾異態
主人難似爾才長

榴花落盡紫薇開肯爲山家點綴來一樣嫣紅情韻少
不教人醉賞花杯

廿朵荷花日遞尋蓮蓬采采露盈襟家人分餉胥嘗徧
此是乖崖種菜心

第一驕人六月天隨園詩句小神仙輸他蚤歲休官去

跌宕江山五十年

讀書已覺眉棱重就枕方欣骨節和宋僧有規句我幸折腰
曾未慣誰知病較老僧多

小龐歲歲送芳蘭自有名花不暇看靜對無言如澹友
一心修到兩閒難

研培枉步見訪別後戲呈

每經旬日賦將翹不惜東來玉趾勞出戶風衫晨氣爽
歸家火繖午曠高病無迎送容疏放老受摩挲若寵褒
漫學坡公邀毳飯黃梁白菜也都毛

走筆答研培

學飛無力逐翔翔臨水觀魚已畏勞入室最憐朋輩少
閉門敢託野情高眼前詩敵蓬元積世上錢神笑魯衰
甚欲安排十客具壺蘆爛煮淨除毛

謝楊書成惠鹿筋

南國山閒少麋鹿食肉寢皮徧燕市憶昔

天廚減珍膳日

賜含漿玉脂尾

己酉冬月蒙
鹿尾甚多且數

老臣涕淚今未乾筋

力疲駕真耄矣鹿胎健藥棄空箱孤負門生憐暮齒閩
山兩角猶挂壁縱可煎膠會有幾皆實事楊郎有意起廢

疾自北歸來惠充筐想當中原角逐時晉人不讓諸戎

掎鋌而走險亦何心折骨絕筋貢刀匕食之腰足果能
彊銜草補羸功略似君不聞中山人飽元鹿羹壽百廿
年作仙子

濱石翰編典試楚南爲研培封翁誌喜

月窟重開桂子紛天香一倍染氤氳無波湘水初迎櫂
過雨衡山好抉雲遠道關懷猶二老清門競爽恰三君
采蘭詩與皇華詠畫錦

恩光兩地分

五月閒詠春太
守歸爲親壽

盼郭子芳不至

山中采藥尙遲留松下尋師問道悠荷盡已無花似鉢

薇殘猶有錦成球先生便腹宜逃暑居士離情易感秋
閒說廣場將校射亟須飛衛教凝眸

題吳勇田稚子候門圖

吳君論交今卅年朱顏皤腹忘華顛江鄉不足散腰腳
蠟屐常攬辛峯煙活人稍暇放歸棹心喜稚子迎門前
不知病家望君返日伺庭館如求仙淵明隱耕君隱醫
淵明責子君譽兒梨栗童心已拋盡況好紙筆能唔咿
爾來記事珠在手指近事勝似折腰甘五斗祇輸攜幼入
室時平生怕煞盈樽酒

觴桂感舊

鎖闥五桂齊著花西江榜出人爭誇我時病愈發逸興

許子

詒臣中丞

擣手看繁葩皖衙三樹亦馨烈挈侶

伯田谷書諸友

高吟素秋節傳聞別後浸江波庭際柯條盡披折南方

棟木不足奇北土難見花盈枝會生

滌生侍郎贈我樹四尺

巨盆壓擔譁鄰兒自從綰綬閩山下到日金英正堪把

亂頭蓬服兩三株尚有何心問杯罿歸來借地當林泉

主人不論買樹錢年年露冷風清候座上常參無隱禪

早花信後晚花續黃雪連番誰督促獨對今花念昔花

前塵如夢焉能贖我以蓬巖客仍舉觴行路都知臭味長

任是春來羣卉豔明門那得遠聞香

懷伯田

子居慕叔度不見生鄙吝暫別尙如此況乃歲月迅我友聚于斯覲面輒心印會食無虛時如潮日兩汎座間劇談諧怡然理皆順有聞走相告乍急不逾瞬曉常盥未畢夜或燭將燼以此三年來飲醇對公瑾念我閉蓬廬門斟雜賓進吾舌雖尙存欲語車止輒君言如快馬直斫千人陣心妙犀通靈解陋牛頓刃賞析詩書叢憂喜鄉闕訊庭花品榮落草木亦含潤自君辭絳帷余遂嬰美疢胸中鬱噫氣一吐須千仞四顧無所攄懸鼓腹如棘何當重接歡引杯相酌醕大笑發狂言聲瞽一齊

震

中秋遇雨

積雨連朝霽溼煙中秋不見望舒圓難禁樂府星娥怨
誰把歌詞水調傳萬里陰晴環海證一輪盈缺抱雲眠
何人推枕驚新句真箇吹開倩管絃

書窗點點樹陰陰空說南樓酒共斟天柱能游原豁目
珠胎雖減豈關心木樨墜地憐殘粟罷經登場怕苦霖
但使飛蝗常塌翼良宵甘遣月華沈

子芳和詩見投疊前韻

揮毫纔能瀆松煙偶度霓裳曲調圓袁虎詩聲秋舫出

林宗風致雨巾傳。曉看潤礲占期候。夜聽傾盆惱睡眠。
我亦能諧山水趣。清音莫悶伯牙絃。

黑雲如墨又濃陰。病裏深杯且淺斟。蘭喜臨風偏弱幹。
竹知受露可虛心。山頭枕客憑修月。禾耳愁人厭作霖。
佳節已過忘世慣。從周休爲卜升沈。

方旣堂書來言卜生曠已成賦此寄之

司空引客坐。生曠酌酒賦詩天所放。中條山下王官谷。
此是全歸完夙尚。我今百事不挂懷。要伴先人傍江嶂。
青烏子言不可得。求劙刻舟將失當。伏波老矣猶憤心。
悔未裹屍戰場葬。伯倫雖達終近狂。荷鋤安能無定向。

聞子往來葛嶺閒親卜陰陽營壽藏君齒未也何蚤圖
觸我首邱增感悵我方勒轡下層坡子亦落帆收急浪
清風明月兩閒人合須自了生平帳可憐相望浙東西
幾時乘興山陰舫試挈平沙玉尺經爲我家山覓屏障

僧蹊菊

往歲階前茁幾莖今年無數綴秋英達摩履化如翻樣
陶令離疏易竊名難覓黃花同我淡舊所產菊
無發生者錯疑白
足笑相迎芒鞋不踏繁華路冷雨幽窗爲寄情

以魚網網天竹防鳥雀食也示兩孫

留將七尺碎珊瑚雪裏看擎火齊珠世事空拋魚網慣

人情知有雀羅無階除得食慙何吝古攢投身笑太愚
鳳凰卻須真竹實可能翔集到高梧

丁巳生日

霜清飈館又題糕排悶裁詩興尚豪驚雁不堪聞箭激
跛牂那復望山高閒身儘我甘鱸膾隻手煩人擘蟹螯
獨抱玉壺冰一片者番防護要堅牢

居然四代鳳將雛湯餅筵前醉共扶春長蘭孫花有兆
今年三月事閏添藕節月同符五月三十日得會孫閏月前一日也仙游可許
從松子家計何妨臘木奴莫繪老人星獻壽年年惟賞

五湖圖

敢珍敝帚享千金，卻笑東西託二林。
明識揚雲供覆瓿，聊存成式集題襟。
四月刻批詩成吾文誰定相知少，俗學難回自悔深。
再得十年容老讀生涯，拌作蠹書蟫。

新覓神仙縮地方，團圝兒女遞傳觴。
雲龍山遠纔歸鞅，張甥述庭與二女還彭城白馬湖寒正泛艎。
六舟與二女將自贊應至老信功名敲枕幻醉疑，日月爛柯長會當。
扶上籃輿坐飽看離東晚，節香。

研培餉龍井茶

一片龍泓產，開函尚嫩芽。
人情皆渴酒，吾舌獨甘茶。
建壑途方阻，關津稅有加。
依然品清味，雅貺重投瓜。

子方復饋新茶

鄭侯一串太殷勤日注新湯點碧雲縱使貪眠愁水厄
今年肯著毀茶文

君來習習起清風老去交情淡愈濃可惜蘇門無四客
茶寮閒煞密雲龍

研培送園橘十數枚戲訶此詩

洞庭昨夜霜滿林三百顆入詩人吟一枝便足挑詩心
八閩嘉實大如盃懷果歸時餉親鄰君亦同分貢餘享
爾來橘官少周旋離閩後巡綽官猶歲餽橘固謝卻之吳市紙裏非妍
福橘行遠一紙包一枚吳門鬻者仍其封重是君家樹上鮮璇樞星精散江

淚不復踰淮羞化枳固蒂深根自今始吾生願作巴邛
叟商山之樂無與偶不知君能對弈否李衡眷戀江陵
洲臨老猶爲孫子謀何如二叟逍遙游

伯田研培子芳皆和生日詩仍次韻

小咏剛逢薦菊餚繼聲何幸得三豪松經東向歸原早
鵠到南飛曲愈高老去詩心拙獨蘭倦來書味嚼空螯
世間歧路羊多逸且學莊辛說補牢

記值雕檐燕引雛洗兒羣爲太翁扶軒眉時偶開樽笑
鋤髮人應擲鏡符積壤儻能如蛾子護書當許乞狸奴
馬卿遲藻工裁句欲倩鍼神繡作圖研培詩來最遲而
愜意事多非富貴

紹聞人遠卽禱符色養白形花木媚
神怡彌覺歲時長等句用意絕佳

頭童豈復羨腰金把臂伊誰共入林坐隱中郎非戲局
病忘華子本澄襟閒評佳月思霜潔看擁寒雲盼雪深
且向幽窗理殘帙故人書札半良蟬

采藥雖傳卻老方醉吟歲月付杯觴

香山著醉吟先生傳時六十七歲

家無祖約屏閒籠客有成連海上艇意必清真交自古
心緣鄭重語偏長柴門花月慙孤負韻入新詩字字香
再疊前韻示六舟

九烈何時享棗饃家貧端不減才豪棲鸞地欲商仇覽
刻鵠人須效伯高莫爲齋心枯玳甲未妨俊味飫車螯

牽船上岸非長策好向湖邊築屋牢

老憊難勝一匹雛心防蹠垤手親扶客游重辦尋山屐
鄉訊如通調水符聽讀漢書希子美願臨晉帖寫官奴
代飛燕雁知何意伴我淒清卽令圖兼謂述庭

無多陸賈越裝金兄弟繁於五桂林同室米鹽關學問
閉門風雨見胸襟泰山力薄名先起智水流長喜定深
肯怪博陵書盜盡腹中千卷不生蟬

將醫笑疾問何方弱女能來侍引觴搗藥常憐無斷杵

兩女皆善病卸帆始慰盼歸艎王超硯許傳元獻楊惲文應

似子長謂外孫重慶梁上舊巢今好在雙棲爲補杏泥香

附六舟和作

凌秋健筆又題飴紅杏才名老更豪花賞陶籬如獻壽人游蔣徑勝登高達觀久悟莊生馬佳興還持吏部螯領取西齋題額意夕陽真箇繫船牢

公顏

舫齋曰
好繫船

羅列孫曾盡鳳雛喜看雲路乍搏扶槐堂合有餘慶集芹泮先教蚤歲符謝傅清談攜道韞右軍書學付官奴閒中至樂容消受不是尋常小隱圖辭榮那羨帶圍金歸老仍怡翰墨林草長庭階足生意花盈几案滌塵襟座中客少交原淡集外詩

多趣倍深誰識廿年持使節
寒燈依舊勘書蟫江分南北便殊方
後至還應進一觴鶴步從容瞻
杖履鯨波安穩送舟艎蕭齋每侍春風坐綺閣彌
欣愛日長白雪深慙難屬和瓊瑤疊捧手餘香

附念詒和作

當年樞直拜花饑介壽紛來繡服豪持節尚餘溫
室戀抽簪輕別鼓山高相逢舊侶同霜鬢爲勸加
餐研雪螯假館琴川仍是寄故鄉何日構雲牢

曾曾新喜獲鵠雛轉盼相隨玉杖扶種德心原忘
美報試嚦聲已兆英符詩中佳句傳山谷謂六舟

下庸才愧阿奴省識家風清白在歸裝祇載荔枝圖

一曲陶籬菊滿金怕聽風雨打園林調心私幸捐塵事觸耳常虞拂素襟愈蹙倉公方定效養生莊叟理尤深高年過午還防倦願節警書辟蠹蟬

兩妹歸來本異方合歡鄰下遞擎觴一羽但得娛樂綵千里何曾羨楚艎楊濱石近與湖南試久隔蓬壺春色麗好依椿蔭歲華長肥冬竊冀添佳興繞檻梅花

發早香

口占絕句

幾朝不踏蘚庭來雨過山茶無數開漏洩春光何太早
似爭十月嶺頭梅

鶯門見和生日詩三疊前韻奉詒

綺語刪除食祿餚瑤華折贈又詩豪早官翻藥才逾豔
未老思蘊識最高勇退我爲風六鷁橫行君合夢雙螯
大家漱石同孫楚礪齒今猶一半牢

誰將腐鼠嚇鵠雛大雅輪原不待扶高蓋遠摩諸葛壘
義田新台范家符養閒安步尋鷗侶謂伯田懷舊親書付鴟奴知否幼輿邱壑裏鶯花小景亦成圖

敝貂季子不多金豈似山王擯竹林維獄生申須拜袞

彭翁二相皆以辛亥生

故鄉同甲自傾襟病魔如逐人情嬾詩癖

終輸客感深莫更牢騷談往事神仙脈望本爲蟬

幾從柄鑿問圓方無奈弓蛇影入觴絕微頻年聞舉燧
大江千里隔飛艎人思介胄陰霾埽天與山林夕照長
底事龍頭逢驛使綺窗珍重遞寒香

附錄來詩

力疾新題九日餚良朋酬和筆俱豪手揮玉塵秋
還健身占金鼈地本高京洛年華一彈指鄉關風
物又持螯老憑詩句留駒影似惜亡羊急補牢
甲第英英起鳳雛當年平地看搏扶青雲遭際才

人少綠野風光晚節符菊淡正須松作伴竹深不用橘爲奴香山高會留佳話合倩吳生一補圖

謂冠英

鍍金安得比真金謬託同庚隔上林新寫蠅頭常
引分舊依驥尾荷推襟幸邀乙選才猶忝自笑辰
雌愧已深如膜重重都褪盡癡心除有學吞蟬

養疴能否覓良方捷奏爭傳合舉觴楚尾已經安
衽席吳頭終見返艅艎金甌無闕憂先減玉杖堪
扶日正長翹首東山如再起賡歌還傍

有竊余眼鏡墨匣者枕上得此解嘲

老花早換少花名插鬢琉璃與目成生怕觀書難細字
故教默坐養昏睛

殿前作賦製來新廿載周旋不去身五色筆還才已盡
踰糜也願別磨人

偷兒風雅絕堪憐愛向書齋熟路便似爲吾家珍世物
殷勤留得舊青氈

不局不鑰儘盤桓斜照剛消薄暮寒可惜盆梅遲數日
未登橫几倩渠看

十一月十二日大兵克復鎮江詩以誌喜

五年曾未脫兜鍪
建業傳烽接潤州
北顧城先收鐵甕
南條山盡鞚金甌
凱歌梅柳迎春動
捷奏貂蟬懋賞優

從此石頭非虎踞
會聽饗旅落星樓

沿江鎖鑰儼重門
設險雄圖往蹟存
焦嶺孤軍遮兀兀
算山一鼓靖孫恩
虞干不責征苗緩
湯網兼寬困獸奔
咫尺鄉關安衽席
冬檐曝背亦奇溫

因樹巢樓前梅葉甚盛皆手植也乞冠英繪健步
移梅圖感今思昔繫之以詩

癸丑歲除欲暮天
家家爆竹催過年
癡兒閒說買花去
紅梅一本來門前
駢苞著樹含未吐
酬以三百青銅錢

種當牆陰閑。四載繁條已透樓。南偏楊侯乙卯充餽歲
雨盆綠萼清且妍。根拳枝屈厭拘束。放成直幹栽花田。
栽花先與覓花伴。女三爲粲相聯娟。兩番花事溯緣始。
手親短鋤鋤寒煙。當時雖不出門戶。家園日涉猶輕便。
花開攜客遶曲檻。花落課僕澆新泉。今年花感主人愛。
競綴珠琲盈萬千。而我弱行曳榔栗。斗數乃一花周旋。
孤山老逋太偃蹇。豈可眷屬姑射仙。追憶羅浮縞衣夕。
參橫月落空前緣。少陵巡檐索花笑移梅。健步蘇薛筵。
昨邀道子對花酌。許我寫景供留連。心腸鐵石畫不到。
暗香疏影知誰憐。尙思補植滿苔院。小屋喚作梅花榜。

龍鍾坐我倚欄角或有水部詩情牽

伯田鷺門寄示唱和詩意勤語重令人起奮飛之

意次韻奉謝

詩人鑿混沌譬若巨靈擘半夜聞清鐘品到太華碧我
材類散木顧我無匠伯因知君馬黃偶獻適豕白相思
不相見羈愁與時積芙蓉城雖云邇遠似桑乾磧昌黎別
二生奪之情孔迫隨會久在秦竟被魏人逆兩君臥大
牀何啻樓百尺詩來譽過情欲我踵履迹豈識躋躋行
拘墟復安適王喬仙不飛那可網鳬鳥羅浮一風雨離
合在旦夕我儻病霍然春波挂帆席

十二月十九日研方竹一枝爲杖

此君不受雪霜欺
親見牆東拔地時
任杖得扶人健藥
取材須劙歲寒枝
平生圭角看猶在一
雲顛危覓已遲爭似壺公仙術授
青龍飛向葛陂騎

除夕醉歌

一冬斷雪風不虓
立春恆雨池生泡
歲除屐響滿街市
聞說泥滑侵鞚坳
先生獨坐倚烏几
閒屏兩扇無人敲
孟嘗債券已燒盡
寓公況絕錢神交
浪仙祭詩笑多事
八十首但隨時鈔
潛魚游嬾尾活活
倦鳥鳴細喉咬咬
益梅早開惜落葉
水仙遲放猶含苞
枯僧入定眼如睡

一瓶一鉢仍難拋午餐食飽自捫腹杖蔗欲走腳匪勦呼僅急爲昇籃舉雖鏽羽翮思歸巢迎門幼稚幾了髻誰則額凸誰鼻顛翁翁喚我驟玷耳領之而已兼詠啁後堂女手半揜衷中婦小婦垂雲鬢粉丸搓罷具酒餌食經檢點通燔包蛤蜊作羹雉作脯太常今夕非齋庖偶然回憶在官日庭下常積鹿與廡須臾櫂燭爛于炬屠蘇斟蓋齊來敎阿堃最小抹唇角未及耄齒無樊涓兩年影堂失拜叩敢筮受福西鄰父家人參賀合辭免勿復環鄰牽衣呶公房謂此壻鄉好書爲莊枕詩爲肴不見老顛嘗饑歲吟聲尙透松篁梢我知歲似蛇赴壑

卽繫其尾安能膠聊借咙唔埽塵全妙用正在無口匏
紛紛灰堆祝如願以論局量皆斗筲鼉更乍起便羈臥
夜深少汗溫雙骭朝正廿載視庭燎到今醉夢安衡茅
明朝黃紬努頭出放衙卻被旁人嘲

丹魁堂詩集卷七

江陰季芝昌仙九

古今體詩七十九首

人日崑圃送刀魚

今朝人日草堂閒要對春盤倒臘醅卻怪漁師送鮮晚
小鮮不爲老饕來

東門居近福山港出水銀鱗喜早嘗算似遠書遺尺素
勸加餐飯用情長

湖鱠不如江鱠美我誣江味俊於鮆蘇髯恨到魚多骨
入口須乘未有鬚六舟怕食刀魚兼以嘲之

次韻和六舟刀魚歌

三蕉夜飲朝猶酣將軍此腹無饑貪春初烝罩動食指
妙味獨有嘉魚南貫頸殷紅背微碧入市條條真玉尺
云是東風新上潮博得幾千錢足陌最先薦網比頭鷺
登盤重似牛心炙族庖去乙良足嗤北客抽肝彌可惜
子恭神術借還刀豈若肖形成定格子何對食乃閼向
祝鰣空喉色怊悵作詩譬之小范胸十萬兵皆衷甲仗
惠施未免不知魚刺弱鱗鮮總妍狀試看河豚欲上時
江水烹來猶遠餉當其膨脹鼓腹閒怒氣如吞鯨鰐浪
吾將大啖效老田一笑飛行愈風悲

去年伯田有疾
飽噉河豚而愈

詠王導

瓜葛休爭一局棋
生成含笑爲佳兒
尋常爛敗牀前果
不遣承歡長豫知

回車取節石頭城
一樣元規愧士行
還第角巾言在耳
西風障扇問何情

賓客當年集上都
人人霑接太阿諛
蘭闇彈指無多語
一笑迺然徧眾胡

外宅偏愁檢制疏
騎羊稚子美璠璿
平生風度高汀左
洽看倉皇駕犢車

對泣新亭有幾人
累卿百口意悲辛
怨仇不覓劉都督

子思堂詩集

卷十七

由我翻能殺伯仁

眉生都轉北上枉道虞山話別

頻年籌筆賴權衡
暇與西湖訂舊盟
劉晏通才關國計
枚皋速藻盡人情
片帆夜雨尋閒客
一月春風滿上京
曾負鹽車資大力
爾雲良驥看安行

題眉生湖舫延秋圖

西湖五至不快游
簡書知爲湖神羞
腳難腰笏暫偷隙
安得米家書
畫舟眉生示我湖舫延秋圖
一船兩聚盟
閒鷗屋梁各出修禊帖
蓬窗不汚寒具油
遂令西子莞然笑
如此妝抹眞風流
我於畫中常見戴醉士妙肖一壑

與一邱而今三潭六橋都在一尺幅秋煙秋月毫端收
急持不落杯對之銷我愁酒酣翦燭聽君說東南水利
心綢繆沿江要使禦旱澇到處函筭胥環周我謂古來
幹事者除卻風雅無殊猷卽如西湖溉田一千頃葑泥
二十五萬餘丈開菱洲香山玉局兩修舉稱功百世盈
杭州君輩扣舷互歌唱芙蓉楊柳亦足迴吟眸豈非名
人所營度勝蹟永與雙隄脩多君湖上了公事及此閒
暇水晴山雨相句留半人一生少清福身居巖谷憚尋
幽詩成卷圖薄醉醒夢魂已到靈竺之上南屏頭

題研培虞麓盍簪圖

圖中仍列四老異其名耳

山鳴谷應同一音松茂柏悅同一林朝簪插頭不肯脫
幾見野服歡朋簪我昔繪圖歲在卯落落晨星數參昴
伯田一彷君再摹各印鴻泥留指爪君言歲月迅鵠蟀
仙藥曾無駐年術江上芙蓉采已遙山中蘿薜垂逾密
我憐跨踔成廢人君獨誇我詩不貧雨絲煙柳好時節
攤卷且展雙眉顰定香亭前記聯櫂勸我來卜王翰鄰
十餘年果踐斯約夏侯亦樂虞山春龐公京雒舊同宦
白頭傾蓋猶如新詩筒酒盞幾耆友蓬飄萍聚皆前因
鑪添商陸自嗟老裴相乃是功名身科頭散髮若吾輩
任笑十拗由天真因病得閒諷蘇句一語見道書諸紳

埽門謝客洗塵耳如此美疚君何嗔近來東軒坐延佇
咫尺握手須兼旬令君之香劣三日卻曠日日圖橫陳
君勿苦厭金叵羅我勿復尋春夢婆臥者看花趁穀雨
遠者鼓枻乘鷗波依然斗酒詩百首鬢不重綠顏長酡
不知今代有四皓壽世孰與商山多

題子芳濯足萬里流圖

郭君眼界富於海陋儒望洋驚且駭欲令萬派盡朝宗
日購曹倉舊書買少年破浪繪此圖舉足便已輕江湖
平原樓外有覽者槃珊行汲何爲乎君不見大瀛周環
外九州掀波鯨鰐無時休世人但插紅塵腳安得盧敖

汗漫游

驟熱戲作

蹇翁三月不作詩午倦亦不耽書癡閉眸輒睡養昏目垂頰自然驚長鬚日來雨過驟煩熱身在甌上無停炊此心無著日不暮病骨曷以禁磨治亟召詩神爲排遣神云請君何所之覓題不得君自狹令我驅暑將奚詞且君短章亦僕邀一篇已了晷未移欲消長晝須百首心血徒膏去聲飢蠭飢不若清涼一服散疑神用志無分岐我聞此語忽收汗側身去就胡牀敲窗前稍稍竹風動頗哀老子忘炎曬

荷尚未花曾孫周暉甫苗一藥

碎盤戈印任兒嬉
剛見新荷苗一枝
遇閏月如桐益葉深
根花趁雨知時傳
家舊學須教續入世
繁華不厭遲一笑
梁閒未窺客雞窠
老祖太支離

曬書

那嫌三伏赫曦驕蠶蝕梅蟻一例消有客分庭張犧鼻
幾人霑汗抱牛腰繁聲繙動風吹竹急陣收來雨滴蕉
莫怪鄰隆誇太甚熱中強半腹猶枵

洗硯

滌筆冰甌本不羣
自摩石友策殊勳
何來茶餅分黃寃

豈有池塘署右軍鶴鵠眼宜含活水龍蛇陣忽湧濃雲笑他潔癖襄陽老捧硯螭頭墨污袈

試墨

奚超父子渺傳薪買櫟遺珠豈足珍藝不工書徒飲我物惟多蓄最磨人金壺灑汁長懸望

曾孫周辟以金壺
汁墨一匣賜之

銀匣浮香愛易新多感養餘題永用西齋不厭日橫陳

詠春寄墨題曰
養餘老人永用

看帖

讀書空費鎮心瓜消夏閒披石墨華赤日暫忘身炎灼黑雲能養眼昏花丈夫肯遶行閒蚓病客羞塗紙上鴉

頗憶來禽青李熟歸途五月載盈車

京寓法帖六舟爲攜數種歸

子方封公輓辭

雷雨騎箕去虞峯夜氣淒竝時深慕蘭同志失攀嵇身
儉心彌泰風高物自低狂瀾仗清議後進敦提撕
舉世耽詞賦君偏習典墳解經徵叔重譜韻訂休文報
速天心厚離多子念殷如何卿月麗孤望痛飛雲

在昔官均席于今宅卜鄰五年憂樂共三徑笑言親采
藥憐同病半前君有遠醫猶告余延診披圖少一人桂觴相對後不
見酒沾脣

自我嬰癃蹇逾年不出門扶羸成永訣留坐覺餘溫拜

跪嗟筋力聲容繫夢魂長號負良友交道復何論

竹籬爲風雨吹倒亟命新之

倚石圍花曲徑橫居然野趣足平生偶思種菊無閒地
肯使東籬負盛名

補屋牽蘿事豈難瓜棚豆架有餘歡我非李沆爲時宰
贏得工夫葺藥欄

補題張約軒孤山探梅圖

依林結屋竹爲藩曾向蘭成借小園添種梅花三五樹
抵君客艣訪冰魂寓園舊無梅花近添植數株

西湖水色碧如油黃綬兒郎續快游勝似逋翁空子鶴

孤山孤絕替花愁

令子詞
生擬浙

綸全昨日買菊淵甫今日買蟹薄醉有作

老夫穠唐過重九樂事乃歸少年手同時俊味與佳色
雜然來進先生酒先生看花跋能履先生持螯動食指
秋英方巾小笆籬老饕且礪殘牙齒彭城邗水交傳烽
心繫兩女無歡悰彗星一月芒一丈豈獨上恐牛斗衝
今朝舉觴酌壽客催花已到新霜夕我詩剛換兩尖團
似向蘇髯尋舊策少年爲樂一春夢卽事功夫莫輕縱
歐陽不學介甫譏司馬橫行王吉重閒中作嗣無別奇
有花不賞情不怡餘糧棲畱稻蟹賤空負此腹真癡兒

因樹巢樓前又補梅兩本几上盆梅亦視往歲爲
夥惜同賞者無人也用蘇詩韻二首寄伯出

扶筇如入林逋村處處梅影招春魂室中盆盎檻前樹
能使老眼開眊昏病夫新年不見客獨許排悶常窺園
此花性格本孤峩就我祇覺神情淵春寒留葉近一月
未願早放隨晴暎衣冠不爲韻友設端勝俗子來到門
避人自笑吾有癖會意妙在花無言綺窗故舊盡離散
孰與花榭傾金樽

隴頭不及江南村一枝春返詩人魂半年翰墨久塵璫
今朝卻埽煙雲昏誰歟和者寄驛使有客正訪韓家園

五
吾鄉韓園
梅花最盛

君山梅院拋卅載昔時茵席難重溫有如跛

驢憶健馬欲以夕照回晨暎看花亦若讀書伴解人方入崔儻門我心對竹日思鶴此意豈向他人言詠花遠在草堂上見詩沃我椒花樽

崑圃饋紅梅兩巨盆復次前韻

瘦人不許尋花村縞衣空斷羅浮魂參橫月落一霎眼
豈若清供娛朝昏從來凡物聚所好君況念我棲林園
空山美人不入座直令寒室無由溫招搖過市兩絕艷
顏色照耀東方瞰送花受花雅人事卻笑忙到羅雀門
眾仙臘瘦不敢妬對此蘋頰皆忘言不見昨宵醉年少

倚檻六逸窺殘樽

伴微湖有梅六株

元夕研培分宿醞一壺走筆得一百五十四字

小兒觀燈競出走燈事今宵鬧人口先生獨有釣詩鉤
故人餽我一壺酒昨聞召客張瓊筵四十稱翁幾歐九
知君身入少年叢把蓋思量同甲叟故遣青州一從事
來問對花能飲否癡龍不受別人憐酌酒勸觴須北斗
況是田間快活人不愛黃封愛紅友浮蛆滿甕經十年
君言此酒藏之久當時四海物普豐火齊水泉皆力厚
廉頗頃之三遺矢善飯不如杯在手醉中夢奪崑崙關
請謝麴生舉功首

錢伯瑜前輩寶珠寄示正月八日南園咏鶴二律

次韻

梅信纔傳庾嶺南
守寒憑仗羽毵毵
詩人慣感春遲早
仙客閒窺伴兩三
新句能來七了浦
舊游重憶百花潭
己亥奉使章門同謙
於百花洲陸生好時嬉
娛日肯羨侯封似耿弇

蒼苔俯啄徑通園暢好
門無車馬喧善舞何心望崑崙
倦飛那計謝籠樊梳翎已短空盤勢續脰誰長有斷痕
識字檢書同一笑算來清課勝乘軒

春雪柬伯田

甲寅臘雪輒如毬畫客詩翁共倚樓
比歲常嫌三白少

占年翻送一春愁代庖人笑河豚隱積雨天遲隴麥耰
莫儘翦刀風惻惻相如未典鶴鵠裘

省識傷心爲足寒急呼鑪火坐盤桓夜惟拋盞支衾臥
曉慣扶藜出戶看文字有靈供遣日兒孫何福替分餐
正月兒孫回里君食之江鮮澄江春漲濃如瀉我愧灘頭上水難

淵甫餽河豚

小鮮不足廢老饕割雞何必煩牛刀楊家家風善行樂
歲時自勞猶包裹東風江上回漁舠河豚如鼓收春濤
解鼈相視識異味膾熊不熟愁吾曹琴川族庖笑縮手
食經欠此烏能豪家人觀我頑頃欲采乞鄰計彷微生高

稚長監廚不請客以充遠餉乘輕艘抉睛刮膜濾出血

朱竹垞句七字癢倩麻姑搔蘆芽橄欖併不屑江魚江水精烹熬饅涎一嚥百味淡然若霜蟹持空螯吾舌尚在齒

半落西施乳滑尤貪叨何曾下箸錢費萬我獨鄉夢尋
萋蒿季鷹鱸魚亦清美不知大嚼須釀膏五侯之鷄恥
入口文成馬肝死可逃區區鼎實我能卽肯爲公餗徒
憂勞

念詒自江陰歸攜楊氏蘭賢書屋紅梅一枝見之

有感

四十年前庾信園漁人常入武陵源故家喬木渾無恙

喜見看花到子孫

花朝四詠首紅梅
丁亥年事記折元亭舊蓄來一箇重持雙
卷樣花遲待得碧桃陪

我歸未及訪蘭賢
奇字揚雲已證仙
今日詠花人不見
對花能不淚潸然

扁舟兩夜耐春寒
斜插銅瓶露未乾
不是豔他紅貼骨
主人曾共綺窗看

硯培率詠春書成移樽金粟山房詒兒及兩孫皆
侍飲脫略禮數竟席不疲快然賦之

一病三及春山房闌樂飲夏侯久分飛龐公忽長寢偶

然聚二老雜客不同品矢笑信平遺口怕子彊甚欲發
吾言狂自覺舌本噤今朝海棠開紅茗鬪春錦非萍石
家鑾王愷效羹飴酌以山陰醪醉我拙鳩榼滿斟亦傾
杯微酣不覓枕團團在中央兩姓默詳審昔聞荀陳交
應求殷接衽將車與持杖一難習之稔行酒與下食入
龍其祇懷迢迢二千年到此直再在我輩貲德星太史
合諧稟孰爲戀山林孰爲享官廩子孫無殊途文字一
鐫鏗我老何所營賴有詩來諗彥升晚好吟詎爲東陽
沈曹騰問餘憇化作濃墨瀋暢然怡心神都忘行蹠蹠

獨坐

獨坐心情與物春曉來窗几淨無塵盆中蘭藥成租稅
瓶裏桃花乞比鄰穀雨初晴魚數子樹風忽亞鳥窺人
華胥一夢尋何處旋向藜牀試欠伸

三月十二日嵒圃置酒紫藤花下同飲

老藤閱世百許年根留一片枝連蟠盤空天矯覆盈架
上如流蘇瓔珞相縈牽小樓東面軒窗敞吸取濃雲寄
心賞自從蹇足不登梯一樣看花殊俯仰舊夢全拋吏
部廳客寮豈似金風長竹垞寓京師稱古藤書屋解人載酒從揚雲
就花爲壽張吾軍延年之輩萬錢餽鄙齋一入歌舒筋
但見花神睨旁笑將語滿酌紫霞觴欲舉六身二首兩

同庚獻醉後先原有序主賓聞此皆歡然拂拂香風沁
清齶不須茶湯園子償十千且令獨樂溫公放春墅俗洛

春月放園見黃氏日鈔

盆蘭宿種齊開酬以短句

坐臥叢蘭裏天教遂我慵地閒香自聚人靜味逾濃定
占山家席想扶道士筇嘉慶壬申癸酉閒江陰城隍廟跋道士種蘭極茂時往觀賞
一杯清茗淪領略獨從容

二十一日會飲養餘精舍牡丹未殘

穀雨三朝正牡丹預尋俗諺訂同歡花如貴客羣圍座
人在春風半倚欄鯽想鮮新肴俎少覓鮆魚不得犀非黑暗

酒杯寬

犀杯甚爲客譽

丙年相賞今重聚耐老逢場子細看

詠春瀨行過談別後卻寄

每於臨別見深情話到斜陽一檻明寄遠書嫌折麻泛
愛詩心爲采蘭領

屬書四老唱和詩

衰顏借酒紅窺鏡清味分

茶綠滿啜多感殷勤相顧意畫船已向大河橫

往歲同尋荔子丹記曾閱歷共艱難曉籌烏石移山策
夜走朱泥卻鬼丸憑覓鄉園成隱舍厭聞滄海說狂瀾
因君好整旌旗暇薄送依依語未闌

老樹爲大風披折一枝

過午北風顛排牆震瓦連松鼯皆徙穴槐蟻不知年溜

雨青皮盡垂雲翠葉憐亭亭車蓋望應失故時圓

旣堂書來述其幽居之概悠然契心遂成短句

未病不出門已病日仰屋此身百無用於世儕草木臭
味誰與同榮秀皆我族烘晴報一花溜雨看眾竹披尋
扶弱孫澆灌課愿僕以此遭朝昏暇睡胡牀熟禽魚解
親人飛躍入吾目紛紛羅網中自謂天使獨彼美在浙
東寄興等松菊惜無縮地方並宅鄰是卜沆瀣本一家
何但雲龍逐相將樂賞心四美具空谷勿令俗客知襯
襯來剝啄

文竹

文同老死貰管谷萬丈寒梢皆蹙縮化爲蜩翼與蛇跗
五寸攢盆出難竹誰歟筆錫以嘉名與可寫生今更生
伯時畫馬入馬腹用意果到眞天成枝枝輕白閒深碧
雪月中閒宜此格獨怪庭空影許長收拾清風供瑤席
龐家爲我醉日分小友忽然來此君我將晨夜沃文露

文種本是干青雲

寄楊譜荃

少時安利橋南北相望褰裳隔大河自與二難來往熟
記開三徑笑談多池塘夢斷生春草令弟谷書已逝樽酒聲餘
卷白波五十年中論舊事邯鄲枕上半消磨

江城吹到落梅風索我題詩句未工汲黯正言原是學
釋之高論亦爲通晨星有數披雲在夜雨無緣翦燭同
試看天斜幾行字可知身已等傷鴻

祁春浦相國惠寄漫飢亭後集並附絕句見懷感

成四律

交翠槐龍憶舊陰

柴廠舊寓鄰近公邸槐蔭皆濃優閒何必入山深冊

年畫日歌雲筆十卷黃扉綠野吟每飯不忘占歲念滿

腔仍抱濟時心長椿寺接慈仁寺一例籠紗壁上尋

偶然安步欲當車曉市西街一徑斜人爲德音瞻赤舄

公惟老圃契黃花蹇行敢望隨仙驥蚤起差同趁曙鴉

讀到飯餘三里句

集中弄孫詩云飯餘強步輾紅香土
二三里日日巡擔數十回

只東華

南方卑溼賤處

致風廢

只東華

重賦馳致風廢

杜集嚴詩舊雨行鱸江張翰昔連牆

詩船左都

老儕五柳年

猶少

陶鳴榔前輩與公及詩船唱和最多陷時八十餘矣

健寫雙松興正狂

詩船

仁雙圖星聚陳羣憐久別子鵠尚書

雪尋安道付相望

鹿牀侍郎夢

中萬里乘風未難遣音書達點蒼

石卿制府

丁戌消寒侍引卮玉珂風想夜參差

丁未戊申消寒之集王文愼夢堂孫

文定符卿李鐵梅吳公甫張涤浦三侍郎每集必至公晚至先返以爲常

自依溫樹隨班熟

常爲邊烽退食遲

君國關懷無遠近林泉拜德有師資半人西笑知何日

百感漫欲集裏詩

自箴

邾莊執射姑憤而自投牀斛水起波瀾鑪炭遂隕傷王
述刺雞子擲地不得嘗腳踏復口齧有人笑其傍小則
德之類大則身之殃當其乍急時氣脈皆怒張飲食動
爲病言語都如狂和平以養福君子守其常古事可爲
鑑夙夜慎自防

輓伯田

舞象余方屆看君冠一軍始交緣角藝垂老尙論文蹤
迹親詩酒情懷憶樹雲嚶鳴五十載出谷此同羣

姑孰三年聚虞山又繼之
請業得人師自送君歸日剛催我病時往來離合數詹尹

平生游處此六年相聚最久繪圖兼地主

去夏龐公逝銷沈賞桂筵卽今花有信依舊淚如泉詩
畫名何益金蘭契獨先西山朝爽氣不到子猷前

大兒孔文舉中道惜楹書訶庭學博蚤逝穀食難收併莊襟老
帶餘棲禪經是藥傲世筆爲鉏牘有白頭伴孫曾慰起居

素車駿白馬張范夙心盟難撫牀琴慟惟悲薤露聲夢
疑梁月照天定酒星明慧業文人盡伊誰和與賡

重九日雨走筆簡研培研奮

一年重九肯虛擲四時變態相交易通人出語卽詩心
怪底蘇髯喙三尺海虞七度過重九年年閒挂東山屐
今年風雨不成詩閉門笑倒催租客五叢巖桂紛飄零
爛委泥沙良可惜美人蕉褪猶作花錦荔枝殘常吐核
海棠恃寵太矜驕新沐紅妝媚晨夕就中一株老少年
丹楳黃裳倚苔石似在山林獨賞秋對之慰我顚毛白
我心日念釣游鄉傷逝懷人百憂積伯田鶯
門新逝得詩夢寄
西飛鵠醒覺雲中摧健翮交非杵臼豈相知病怕簪纓
真是癡眼前兄弟插茱萸我亦清漳來夾宅登高腰腳

本難勝況遣淋漓溼巾幘詩筒急遞子雲亭爲我微吟
暮煙碧

研培見和前作次韻答之

幼興不意飛梭擲且喜且驚還辟易美人妙手捷於風
繅得新絲金粟尺昨緣佳節偶題箋聊當游山阮孚屐
知音無幾可相貽獨寄蘭馨研培堂名老詩客秋英滿院替

春芳騷人例許相憐惜惜無酒狂石曼卿裹泥種徧仙
桃核一花一草儘關心賴此永朝兼永夕如君臭味肯
差池知我甘心戀泉石故能風雨感雞鳴每見如新兩
頭白我昔入閩理歸棹鶴首衝冰春雪積君先迓我話

掀篷誇我早斂摩雲翮而今癰病日支離猶幸買山成
隱癖君有佳兒錫節回僂指喧聞虞麓宅定攜荔子侑
霞觴博得歡顏頻岸幘爲問鼈峯數故人憶否重陽九

仙碧

福州九仙山亦名九日山

展重陽日金粟山房餞覓圃書成赴浙闈秋試時研培研畲寶生皆在座

靈鷲峯前飄桂子中秋明月繁香裏豈知人鏡兆芙蓉
十月穠華致千里掄材方借浙西闈最近蘇松多杞梓
韓愈糜茲習一生酒酣興爲風雲起我嘗北踏東華塵
緩緩槐黃承

詔旨肅霜九月天甫寒
科被宵溫逾縕室稠疊蒙
恩三十春溯自初元鹿鳴始座中持問老同年
謂研舍記

否騎驢過燕市甘科故事已陳因

壽榜于今軼前軼暫遣江南驛使梅照耀湖山堂有美
兩家柳色許同春獨有龐楊與我親一霎辛峯亭子上
東頭爭看錦標新

盆菊置假山上粲然可觀示兒孫

京居我生日門生不載酒采菊當稱觥環侍屋左右往
往送花人十車凸嬰缶家衝今七年吾齒六十九吳俗
際斯辰鋪張祈壽者兒孫稍解事歲例蒲騷狃霜遲氣

候緩含蓄小春首思量出新樣刻畫東籬醜秀石插滿
頭高低映窗牖粉牆圓月中雲錦在部墻意謂晚香晚
珍護冀其久且願几案閒舉睫照眸陡結踟躕周覽不
煩策筇走諒此安佚心善爲支離叟我謠無與歌盼煞
接花手旣老臼而傳傳詩果誰受供花祝延齡獻詩開
笑口試問柴桑村有此孫子否火急聽伊唔莫甘糠粃
後譽兒吾固能酬汝以大斗

招硯培

寒豔居然錦繡堆貧兒暴富轉徘徊賞心惟有陶元亮
倩喚藍輿得得來

十月十八日出北門看紅葉

七載游山第一回破山寺外石橋隈停輿眞爲楓林坐
獨策吟筇謝客陪

赤城霞起絢山坡吾谷今輸石虎多絕似舒桐歸路上

楓丹松翠盡交柯

已亥西江使還舒城
桐城之間紅葉最盛

楊簡侯方伯能格和詒兒詩感及昔年文字之雅
緬然有懷次韻爲答

彩毫頻染

御鑪煙

殿上摩空作賦先鉅製長楊三月麗新詩角黍萬人傳

癸卯三月大考四月考差余
皆與閱卷角黍乃考差詩題近來誰把論文酒老去徒
慙上水船一見絲桐猶欲撫柴桑挂壁笑無絃

清瑤徐引潤明玕梅信遲遲耐薄寒車馬江干負傾蓋
屢荷見訪旌麾吳下記揚鑾玉堂制草應同夢芙蓉舍甘
棠許再看喜遇青溪舊相識胡牀笛弄肯辭桓

簡侯乞題其高祖玉峯尙書恩澤遺留卷冊

曩披經世文名臣萃章疏一篇論鹽法洞中禹策務惜
哉編纂疏盛業漏援據賀萬耕中丞編經世文僅載尙書鹽法一疏緬懷百
粵閒勛名勒鐘錄今觀尙方賜

天題寶連璐當年石投水

聖祖方在御一片紫琳腴俾借前籌箸想像草奏時墨
瀋瀆豪素而以敬慎心什襲計之豫蘭亭弃眞本肯爲
蕭翼狙龍泉副太阿刻銘願長護不虞鎌鈔飛神化延
津路曾元戀祖澤完璧徵詩句韓皋笏三葉尊藏尙如
故矧茲五世昌藩翰復遭遇博物酬茂先青鐵殿前付
臣書肖米顛刷字看騰翥行捧香案硯淋漓染文露漢
家恩澤俟貽留何足慕猗嗟卽墨封千禩永延祚

送濱石供奉假滿還京

已羅珊瑚八閩才貫月星槎海上同心繫文章酬奉
詔身依色笑戀循陔三冬正喜占豐雪五載重逢話別

杯我有弱孫愧貽厥題詩北固恐難陪時時捐孫

偕行

送楨孫就婚京師

汝兄年十五挈之至七閩維時共水陸楊大字詠春迢迢五千里與我成三人餐宿有必偕動作日以親汝今從次公屬車隨後塵通家及三世疇昔氣誼真汝雖弱而愿父執誨爾諄行矣吾放懷毋爲徒酸辛

昆陵兩舅氏射陽姑之夫道路見親懿中心慰馳驅汝父送兩程臨別當踟躕新年猶未春朔風擁寒鑪上都吳季子謂冠英一諾珍瑤瑜蹇修孰爲理恃有將伯呼二月紅杏鬧三月夭桃敷僂指數令辰吾意輕脩途

四槐舊廬中十數年偃仰自我出京華時時勞夢想間
汝丈人屋近拓小園敞翳然蒔花木綠陰入幃幌我貧
尚有書留付寓公掌期汝燕婉餘博議振新響婦翁得
冰清朗鑑如樂廣庶幾把陳編下酒物亦爽

老年送遠別未別先涕洟況我癃病久弱孫乃告離平
居傍左右出入相扶持一別將數月望眼何以支鹿車
還鄉里古風心可儀母家固忍愛鄭重親結褵閨春日
已長歸轡勿稍羈雙雙慰倚門正熟櫻桃時

吳夷由送紅梅兩株

吳君送花連樹起健兒蘋肩照堂瓦自金陵全盛時

購種歸來歲壬子此花寓茲八九年新條老幹爭爲妍
鶴林花解避兵燹慣與逸客同周旋君今捐愛贈之我
饋歲相沿計非左

研培崑圃寶生皆曾歲杪饋梅

金身丈六入祇林眾

香國中皆卻坐鑪烘火迫幾牡丹昨朝壓擔煩州官世

閒富貴薄春夢不若綺窗盟歲寒